

**UGOVOR
O KUPOPRODAJI PUTNIČKIH VOZILA**

Ugovorne strane:

1. **UPRAVA POLICIJE, MINISTARSTVO UNUTRAŠNJIH POSLOVA KANTONA SARAJEVO**, La Benevolencija br. 16, koju zastupa policijski komesar Mevludin Halilović, (u daljem tekstu: Kupac)
2. **“ABC 1968” d.o.o Sarajevo**, Ciglanska broj 28, kojeg zastupa direktor Bakir Bucalo (u daljem tekstu: Prodavac)

Član 1.

Predmet ovog ugovora je nabavka tri (3) putnička vozila marke Citroen C4 Feel Edition BlueHDi, za potrebe Uprave policije Ministarstva unutrašnjih poslova Kantona Sarajevo, po objavljenom obavještenju o nabavci broj 16475-1-1-22-3-22/18 od 13.04.2018. godine, na osnovu Odluke o izboru najpovoljnijeg ponuđača broj 02/14-4-2184 od 06.06.2018. godine. Ponuda Prodavca broj 0182/18 je sastavni dio ovog ugovora.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Prodavca na osnovu koje je, zajedno sa elementima iz tenderske dokumentacije i sačinjen ovaj ugovor.

Vrijednost ugovora sa uključenim PDV-om iznosi 97.812,00 KM (devedesetsedamhiljadaosamstotinadvanaest konvertibilnih maraka).

Član 3.

Prodavac se obavezuje da će vozila iz člana 1. ovog ugovora isporučiti do 30 dana od dana obostrano potpisanog ugovora, na adresu Kupca, Zmaja od Bosne 9, 71000 Sarajevo. Sve troškove isporuke do primopredaje, kao i troškove reklamacije snosi Prodavac. Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 1. ovog ugovora.

Član 4.

Plaćanje izabranom ponuđaču će se vršiti po ispostavljenoj fakturi za isporučenu robu najkasnije u roku od 30 dana od dana ispostavljanja fakture.

Član 5.

Cijena i ostali elementi ovog ugovora se ne mogu mijenjati. Prodavac je dužan u roku od deset (10) dana od dana zaključivanja ugovora, dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 6.

Ukoliko Kupac ocijeni da Prodavac nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 1. ovog ugovora, Kupac može jednostrano, bez saglasnosti Prodavca, raskinuti ovaj ugovor.



Član 7.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorne kazne ne može biti veći od 10% od vrijednosti ovog ugovora.

Član 8.

Garancija Prodavca na tehničku ispravnost isporučenih putničkih vozila iz člana 1. ovog ugovora je četiri (4) godine bez ograničenja kilometara, tri (3) godine na boju i dvanaest (12) godina na prohrđavanje, od dana isporuke vozila, uz redovno održavanje u ovlaštenim servisima.

Prodavac se obavezuje da po potrebi Kupca obezbijedi originalne rezervne dijelove i servisiranje vozila koje pokriva garancija u toku trajanja garantnog perioda.

Ova obaveza Prodavca se ne odnosi na kvarove koji nastupaju kao posljedica nestručnog rukovanja i više sile.

Član 9.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 10.

Eventualno nastale sporove pri realizaciji ovog ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

Član 11.


Svaka od ugovornih strana može otkazati ovaj ugovor u pisanoj formi, uz otkazni rok od petnaest (15) dana, iz razloga koji su utvrđeni Zakonom o obligacionim odnosima.

Član 12.

Ovaj ugovor stupa na snagu danom potpisivanja obje ugovorne strane.


Član 13.

Ugovor je sačinjen u četiri (4) istovjetna primjerka, od kojih po dva (2) zadržava svaka ugovorna strana.

PRODAVAC
ABC 1968 d.o.o Sarajevo

Direktor
Bakir Bucalo
OŠ N
1968 d.o.o
71000 Sarajevo

Broj: 810 - 2018

Datum: 02.07.2018

KUPAC
MINISTARSTVO UNUTRAŠNJIH
POSLOVA KANTONA SARAJEVO
Uprava policije
Polijski komesar

Mevludin Halilović
Broj: 4043
Datum: 02.07.2018